

DISSERTATIONEM SOLLEMNEM
DE
AVGVSTO
CONTRARIA MEDICINA CVRATO
PRO HONORIBVS DOCTORIS

Ad D. Septembr. cId Idcc xxxxi.

DEFENDET

M. CHRISTIANVS ROSE

RVPPINENSIS.



HALÆ MAGDEBVRGICÆ

Typis JOANNIS CHRISTIANI HILLIGERI, Acad. Typogr.



*VIRO ILLVSTRI EXCELLENTISSIMO EXPERIEN-
TISSIMO ATQVE DOCTISSIMO*

DOMINO
IOANNI THEODORO
ELLERO

MEDICINAE DOCTORI, AVGVSTISSIMO PORVSSORVM
REGI A CONSILIIS AVLICIS, EIVSDEMQUE ARCHIATRO,
COPIARVM POTENTISSIMI REGIS PRAEFECTO MEDICO
PRINCIPI, REGIAE SOCIETATIS SCIENTIARVM, ET COLLE-
GII MEDICO-CHIRVRGICI BEROLINENSIS DIRECTORI,
SVPREMI MEDICORVM COLLEGII DECANO,
ET SANITATIS COLLEGII
SODALI.

PATRONO ATQVE FAVTORI SVO
ÆTERNVM COLENDO

HANC

DE AVGVSTO CONTRARIA MEDICINA CVRATO

SOLLEMNEM DISSERTATIONEM

D. D. D.

M. CHRISTIANVS ROSE.



DIFFICILIVS VIR ILLVSTRIS ATQVE EX-
CELLENTISSIMÈ veniam a TE im-
petrarem paululum insolentioris
audaciæ meæ cum CLARISSIMO
TVO NOMINI paginas hasce, ecce

munus exiguum, dicam ad ostentationem ma-
gis quam ad commendationem illarum in-
scripserim; nisi confusus humanitate TVA
prorsus incredibili, mitius TE iudicaturum de il-
lis sperassem, quæ quamdam licet temeritatem
atque licentiam arguant, vtcunque tamen ali-
quam ex voluntate officiosissima atque acerrimo
placendi studio gratiam promereri debent. Enim-
vero siquidem præclara TVA in rempublicam, in
salutarem disciplinam, in miseros denique atque
afflictos prope innumeros, merita omnibus an-
te oculos versantur, quid fieri poterat facilius,
aut quid debebat iustius, quam me, cum leui
scripturæ gratiam atque auctoritatem conciliare
volebam, illuc confugere, vbi non fallax præsi-
dium aut defunctorium studium metuendum
erat. Sufficerent hæc ad excusationem si qua o-
pus erat audaciæ, sed aliud accessit grauius inci-

tamentum propositi mei. Videbaris mihi VIR
HVMANISSIME aliquanto benignius excipere scri-
ptum, in quo materies explicatur, quæ clarissi-
mo testimonio demonstrat, esse in diuinis vete-
rum reliquiis quamplurima, ex quibus ars medi-
ca illustrari, & ornamentum haud vulgare acci-
pere possit. Hæc vero cum arctissimum illud
medicinæ præceptorum & humaniorum littera-
rum vinculum hic aliquanto diligentius rimandum
ostendat, neminem profecto TE digniorem of-
fendebam, cui istud specimen ceu fautori, ceu
peritissimo iudici inscriberetur. Adeo rari pro-
ueniunt in terris nostris, qui vltra quæstuosam
mercedem cogitant, vt fere optimus quisque si-
bi videatur, qui neglecta seuera proficiendi lege
irruat in Aesculapii arcem, sacra contaminet,
aufugiat, animas venetur, & experimenta per
mortes faciat. Hi quod si forte in talia incidant,
quæ nec libenter legunt, & nunquam intelli-
gunt, aliquoties iam experientia doctus obserua-
ui, misellos crispare nares, ingemiscere altum,
& oculis nescio quid detestabile, quasi qui in-
genti *μορμολυκείω* excitati fuissent, auersantur. Hi

itaque

itaque cum nihil præclarum, nihil vtile, nihil iucundum putant, nisi quod ipsorum iudicio probetur, per omnem vitam, quem ipsi merebantur contemptum, in literas sibi ignotas coniiciunt, bellumque cum ipsis perpetuum gerunt. Ex aduerso autem illorum sibi pro se quisque bonus ad imitationem exemplum proponit, qui licet non omnia, quæ ad vastissimum eruditionis titulum spectant deuorauerit, nulli tamen eiusdem parti pretium constitutum negare, aut eam quam non didicerunt, palam fastidire, accusare, aut conuitiis proscindere audent; verum qui curiosus in singula inquirunt, nec coelum se lous tenere arbitrantur, si ingentem specificorum, præseruatiuorum, Catholicorum, Panchrestorum, aliorumque id genus remediorum vel memoria satis tenaci comprehenderunt, vel longissimo temporum usu congesserunt. A singulis ita accepi, & ex eruditissimis scriptis TVIS hoc iudicaui, VIR ILLVSTRIS ATQVE DOCTISSIME, quantum TIBI ignobile istud hominum genus, de quo dixi displicere oporteat, qui ad eximium sæculi nostri decus non mirifica solum medendi dexte-

ritate atque scientia, sed rara etiam in vario litterarum genere, præcipue in liberalioribus studiis, cognitione, ILLVSTRE TVVM NOMEN, ab oblivione vindicasti. Has ego dotes atque singulares virtutes TVAS ne præconum aut adulatorum in morem extulisse videar, placet de illis nihil amplius adicere, ne in suspicionem incidam, aut parum me dixisse aut ex more illorum, qui invidiosis laudationibus quovis modo gratiam atque favorem aliorum consequi student. Illud tamen vnicum ut dissimulem nequaquam a me possum impetrare, me illos felices existimare, qui TVA, o quam præclara amicitia fruuntur, feliciores qui præsentissimo auxilio TVO sanitati restituuntur felicissimos autem illos, quibus TVIS auspiciis & commendationibus crescere, diuina providentia, & voluntate TVA benevolentissima conceditur. Hisce nunc atque condita per omnes vitæ meæ dies NOMINIS TVI sempiterna æstimatione, ac de clarata studii & voluntatis meæ duratura deuotione litteras ILLVSTRI TVO NOMINI inscriptas perficio, vota tamen ipsis iungens & ardentissimas preces pro TVA ac TVORVM perpetua salute,

pro constanti denique CLARISSIMAE DOMVS EL-
LERIANAE splendore & incremento susceptas.
Exaudiat Numen Benignissimum hæc mea &
quamplurimorum desideria, TEQVE cum primis
quam diutissime seruet in sui honorem, vrbis RE-
GIAE SEDIS ornamentum, in familiæ nobilissimæ
præsidium inque bonorum omnium tutissimum
patrocinium. Hæc precor

*VIR ILLUSTRIS EXCELLENTISSIME
EXPERIENTISSIME ATQVE DOCTISSIME*

MERITORVM TVORVM

HALAE
d. SEPTEMBR.
c1616ccxxxi.

OBSERVANTISSIMVS

M. CHRISTIANVS ROSE.

DISSERTATIO
DE
AVGVSTO CONTRARIA MEDICINA
CVRATO.

§. I.

ARtium atque disciplinarum nescio quo pacto acciderit, vt Medicina fere omnium vltima atque extrema ad illum perspicuitatis gradum, qui nunc sæculo nostro blanditur, peruenerit: Siquidem vrgens necessitas impellere debebat quam plurimos, vt omni studio incumberent in artem sibi suisque profuturam ornandam atque exercendam. Tamen inter alios disciplinarum antecessores egregie paucos semper exstitisse videmus qui Medicinæ peritiam sibi solis vindicassent, suis auspiciis exercuissent inque illa tam vtili tamque necessaria arte eo euentu plurimum elaborassent, vt posteritatis iudicio ex obscuris tenebris quibus inuoluta erat illam extraxisse, certisque hominum commodis atque emolumentis aptasse viderentur. Vt enim permultos fuisse apud omnes populos concedamus, qui Hippocratis ingeniosam industriam & subactum iudicium medendo anteverterunt, nullum tamen illorum credibile est viæ instituisse, quam ratio dictauerat, experientia vero & quotidianus rerum vsus comprobauerat: Cum Asclepiadæ de Theoria securissimi, nihil nisi quod a parentibus viderant agitant, Philosophi vero satis in Theoria sequenda diligentes, quoniam simul vniuersi huius naturam scrutabantur, ab artis operum nimis raro studio, ad experientiam non deducerentur. Adeo ante illum quantum li-

cet suspicari Medicina, nisi præceptis & coniecturalis variarum rerum præceptio nulla erat. Sed & post illum simul atque enormis illa dissentiendi, atque disputandi libido omnium fere animos occupauit, nihilque præter putidas quasdam *περθεΐας* & *φλαγίας* inuexit, corrupta mendendi regula stetit & obmutuit. Tum vero Medicorum scholæ, Gymnasia diceret, porticus erant, in quibus de variis, quæ neque ad cælum neque ad terram pertinebant rebus, quisque ingenti clamore pugnabat, & discipulos quid hic absurdi, ille periculosi, alter parum possibilis præciperet docebat. Tunc sectas vidisses neque numero neque sententiarum diuersitate vquam conciliandas, quarum omnium potissima hæc erat cura, ne cuilibet cum altero doctore conueniret, neue inoffensum aliquid ab altero dictatum quisquam præmitteret. Interea ægrotorum status hoc magis deplorandus erat, quo minus cuius curæ vitam committerent intelligebant, cum alius alio modo præciperet, & nisi fors iuuaret, raro aliud quicquam præter professam mortem expectandum esset. Quod ne temere dixisse videar, efficiam vt exemplo C. Cæs. Augusti, quem Diuus Iulius adoptauerat, res ipsa plenius innotescat. Hic enim Camelii Medici peruersa medendi ratione morti proximus, tandem Antonii Musæ industria (qui prorsus contrariam ac diuersam ab illa Camelii viam ingrediebatur,) pristinae sanitati restitutus est. Rem ipsam scriptis suis tradidere Plinius, Suetonius, atque Dio Cassius, in quorum testimoniis cum nonnulla implicata sint atque *δυσόλητα*, dabimus operam, vt haud difficulter intelligi queant.

§. II.

Singula itaque quæ huc pertinent si obseruare & accuratius examinare volumus, primum omnium inquirendum est, in ætatem Augusti, seu quo tempore Augustus hoc morbo decubuerit. Nihil de illo *Plinius* (a) binis istis locis, vbi huius rei mentionem fecit. *Suetonius* (b) vero *Cantabria domita* illud accidisse indicat, quocum accurate consentit (c) *Dio* nam cum paulo ante Cantabrorum & Asturum tumultus, a Romanis repressos narrasset, (d) subiicit ipsam de morbo Augusti historiam, tempusque quo accidisset addit scil. Augusto XI. & Calp. Pisone coss. qui consulatus in fastis ad annum V. C. 731. refertur. Natus vero Octavius C. Antonio & M. Tull. Cicerone COSS. siue A. V. C. 691. Ex quibus conficitur ipso huius morbi tempore attigisse annum ætatis suæ quadragesimum, quæ quidem morbis perferendis raro subiicitur, & plerumque totius ætatis nostræ vegetissima esse solet.

§. III.

Verum vt nulla mortalium ætas a morborum incur- sionibus libera plane est atque immunis, sic in omni statu facilius illi infestantur, atque percutiuntur, qui suapte natura imbecilliori, atque infirma ne minimum quidem impetum sustinere valent. Ex hoc genere fuisse Augustum, qui nullis bonæ valetudinis firmis præfidiis munitus erat, clare de eo testatur (e) *Suetonius* scilicet Augustum

A 2

(a) Nat. Hist. Lib. XVIII. Sect. XXXVIII. & Lib. XXIX. Sect. V. ed. Io. Harduini.

(b) In Aug. Cap. LXXXI.

(c) Lib. LIII. p. 592. edit. Henr. Stephani.

(d) pag. 592.

(e) Cap. LXXX. & LXXXI.

gustum refert, graves & periculosas valetudines per omnem vitam aliquot esse expertum, corpore maculoso, dispersis per pectus & aluum genitiuis notis fuisse, callos quosdam ex prurigine corporis habuisse, qui assiduo & vehementi strigilis usu plurifariam contracti fuissent, ad impetiginis formam: Coxendice & femore & crure sinistro non perinde valuisse, ut saepe etiam claudicauerit, quastum esse de vesica, cuius dolore calculis demum per urinam eiectis leuatus fuisset. &c. Ad hæc multa quæ ad explicationem verborum Suetonii facerent, a doctis interpretibus neglecta adiicerem, nisi instituti memor, aliqualem illorum cognitionem sufficere existimarem, ut perspiciatur, nostrum in eo sanitatis fuisse statu, qui ut Medicis quibusdam placuit, neuter seu valetudinarius (f) appellatur, quemque periculorum plenum esse, adeo verum est, ut neminem hac de re dubitaturum existimemus. Si quis plura tamen de illo atque digna tanto viro legere cupiat, is adeat Illustris HOFFMANNI (a cuius auctoritate etiam illud quod per se verum est atque stabile decus & ornamentum accipit). *Medicina Rationalis Systematicæ Tom. II. Cap. V. §. 3.* Incertum sitne adfecta illa valetudo, per hereditariam quandam dispositionem ad Augustum transmissa, an ipse per ærumnosas illas molestias, quas per totam vitam innumerabiles passus est, illam sibi contraxerit, hoc satis constat, nostrum quamplurimis animi commotionibus subiectum fuisse, partim ob triumvirales tumultus, partim ob domesticas calamitates, ubi haud raro metus, trepidatio, ira, furor, corpus & sanitatem misere adiciebant, ita ut (g) Suetonio teste, aliquando patientius mortem quam dedecora suorum tulerit. Quibus

(f) Suetonius quastum corpus vocat Cap. LXXXII.

(g) Cap. LXV.

bus si addas forte temperamentum cholerico sanguineum, vitiaque quædam animi, & morum corruptelas, non miraberis Augustum grauioribus & periculosisissimis morbis sæpius fuisse obnoxium.

§. IV.

Considerauimus hætenus ea, quæ si corpus quamlibet robustum, profecto tenerum atque infirmum facilius debilitare atque ægrotudines aduocare possunt, iamque eo peruenimus, ut ipsam morbi naturam atque indolem eruere necesse sit. Verum neque (h) *Plinius* neque *Dio* quicquam de illo referunt, nisi quod prior illum *grauæ periculum* nominet, alter inquit ἡρόωτησεν αὐτοῦ Sc. Augustus, ὥστε μηδεμίαν ἐλπίδα σωτηρίας σχᾶν, iterum *grauī morbo decubuit, ut nulla salutis spes maneret.* At (i) *Suetonius distillationum iocinore vitiatō meminit.* Huius itaque testimonio contenti, quid sit distillatio, quidue eadem ex vitiatō iocinore originem ducens, exponemus. Egrege autem falluntur, Grammatici, & Lexicographi, qui *distillationem & destillationem*, it. *destillo & distillo* inter se differre, & separata esse vocabula dicunt, cum vtrique tamen eundem plane, aut prorsus similem significatum adscripserint, nec ipsa leuis vocalium mutatio, sola sufficiat ad discrimen statuendum, nisi velis etiam *iecinor & iocinor* quod vtrumque legitur in MSS. Suetonii cum sexcentis aliis diuersa esse vocabula, cum constet Romanos illis promiscue vsos esse. Sed mittamus illos, qui iudicio suo perquam acuto linguam sibi confingunt latinam cuius exempla, in veteribus & antiquis classicis frustra quaesueris. Distillationem quam Medici primi, qui romano

A 3

ser-

(h) c. l. §. IT.

(i) Cap. LXXXA

sermone scripserunt, hanc Græci vetustiores inde a temporibus Platone paulo superioribus catarrhum, postea κορύζας, & καταρρυμῆς appellauerunt, differtque a grauedine licet (k) Celsus probante, Hippocrates vtramque τῆς (l) κορύζης nomine comprehenderit. Consistit autem in lenta humoris serosi defluxione, quæ præter naturam fit, in nares, fauces & pulmones: Nunquam vero me legere memini, destillationem aut τὸ distillare de sanguine dictum, quin potius optimi auctores semper eo vtuntur, ad indicandum lentum lymphæ fluxum. Sic omnes Medici latini Celsus cuius verba mox adscribam, (m) Scrib. Larg. (n) Cæl. Aurel. ceteri, sic (o) Seneca, (p) Virgil, & ex illo (q) Aufonius atque Plinius Secundus locis quamplurimis (r) Celsi hæc sunt: *Distillat autem humor de capite interdum in nares, quod leue est, interdum etiam in pulmones quod pessimum est. Si in nares distillauerit tenuis per has pituita profluit, caput leniter dolet, grauitas in eo sentitur, frequentia sternutamenta sunt. Si in fauces has exasperat, tussiculans mouet. Si in pulmones præter sternutamenta & tussim est etiam capitis grauitas, lassitudo, sitis, biliosa urina.* Videmus itaque Celsum tres distillationis gradus memorare, & illos diuersos pro loci diuersitate, in quem humor defluit. Verum nullam harum distillationum Suetonium indicare voluisse mihi persuasum est, (s) videtur enim

(k) Lib. IV. Cap. II. n. 4.

(l) Vid. Anut. Fœcii Oeconomiam Hippocratis v. κορύζα.

(m) Comp. LXXXVII. XC. XCIII.

(n) De morb. acut. II. 17. & chron. II. 7.

(o) Ep. LXXV. & LXXVIII. locum infra lege fin. §. VI.

(p) Georg. III. 280.

(q) Vers. vlt. Cent. Nupt.

(r) l. c.

(s) Confer. tamen §. VII.

enim causam in Augusto statuisset *vitiatum iocinor*, quamcumque vero ex prolixo causarum genere intelligas, videbis nonnisi remotius (sc. solum propter corporis infirmitatem vitia hepatis producere distillationes & catarhos: si vero quod verisimillimum est causam omnium proximam, quam efficientem dicunt, putes, vide qua ratione illa suapte natura atque indole distillationes generare queat. Largiamur etenim Augustum frequenter hoc morbo correptum fuisse, quoniam hoc refert Suetonius l. c. *Initio veris præcordiorum inflatione tentabatur, austrinis autem tempestatibus grauedine*, facile tamen iudicari poterit, illum de quo nunc dicimus morbum, ab illis certo anni tempore recurrentibus maxime diuersum fuisse, cum primis si periculum illud præsentissimum, quod cum hoc coniunctum erat, & cuius omnes excitati scriptores meminerunt, accuratius perpendas. Neque enim grauedines aut cognati adfectus, si modo per se nec cum aliis morbis coniuncti existant, corpus tam cito conficere possunt. Ergo alium significatum tribuisse hoc loco Suetonium vocabulo distillationis audacter adfirmauerim, illum eruamus necesse est.

§. V.

Graues & periculosas valetudines (verba sunt Suetonii) per omnem vitam aliquot expertus est: præcipue Cantabria domita, cum enim distillationibus iocinore vitiato ad desperationem redactus, contrariam & ancipitem rationem medendi necessario subiit. Quia calida fomenta non proderant, frigidis curari coactus, auctore Antonio Musa. Primum quæramus, quid sibi velit Historicus eo quod dicit, Augustum ad desperationem redactum esse. Num quid ergo ille, qui animum tot despe-

desperatis rebus olim confectis firmauerat, nunc adeo muliebri, perculso & abiecto erat, ut impetum abrumpendæ vitæ facere vellet? Sic enim hic locus ex vulgi notione vocis desperationis explicari posset, puta ab iis qui deprauato vsui inhærent, vim vero & indolem verbi desperare & inde deriuatorum ignorant. Nusquam enim apud vllum melioris æui scriptorem positum esse credo, pro conatu & ausu temerario quiduis etiam cum summo suo periculo designandi. Scio qui pro hac significatio pugnant nobis obicere *Ciceronis* auctoritatem *Catil. II. 3.* verum palam est & res ipsa loquitur *Ciceroni I. c. senes desperatos* illos esse, qui decoxerant, & ad incitas redacti erant, neque hinc de bonis & fortunis suis quicquam sperarent. Profligata itaque hac interpretatione aliam damus, quæ cum proprio & natiuo vocis significato conuenit. Ad desperationem redactum esse Augustum, idem est prorsus cum illo, ac si diceres, morbus eam malignitatem contraxit, & ad illud periculum peruenit, ut nulla salutis spes superesset, nemoque de professa morte dubitaret: Ponitur itaque ut Rhetores loqui amant, effectus pro causa, quæ in symptomatum morbi grauitate consistebat, quæque efficiebat, ut ipse Augustus, & reliqui omnes qui præsentibus erant, propinqui, amici, atque ministri, omnem restitutionis in pristinam sanitatem, spem cum illo abiicerent. Sic verbo desperationis (†) noster aliquoties vsus est. Sic *Tacitus*, (u) & reliqui veteres locis innu-
ris. Atque nunc videmus *Dionem* supra laudatum cum meminisset huius morbi, accurate secutum esse *Suetonium* adeo ut verbum verbo rediderit. ἡρόωσεν inquit αὐτοῦ
ὡς μὴ δαίμων ἐλπίδα σωτηρίας σχεῖν.

§. VI.

(†) In Nerone Cap. II. & XLIII.

(u) Hist. II. 44. & 46. III. 66. & 82.

§. VI.

Quod si ergo Augustus adeo grauiter decumbēbat, nihilque præter satum extremum iam imminens expectare poterat, (quod præter allata etiam confirmat testamentum tunc ab illo factum, de quo *Dionem* vide) necessario sequitur illum alio, quam distillationis vulgo acceptæ, morbo prostratum fuisse. Cum vero ex habitu corporis, ex temperamento, ex infirma valetudine, denique ex ipsa curatione, de qua mox dicendum, nihil æque certius constare possit, quam febrem fuisse hæcticam, ex hepatis seu iocinoris, aut partis ei vicinæ vitio ortam, qua laborabat Augustus; inquiramus quomodo hæc distillationibus stipata esse possit. Si quidem vero ut supra monuimus, hepatici seu iecorosi, in huiusmodi morbos leuiiores haud facile incidunt, necesse est ut ad præcipua hæcticæ febris symptomata attendamus, si qua forte, quod speramus, ex hisce alia vocabuli distillationis notio sese offerat. Notissimum est insignem humorum corruptionem, maxime acrimoniam sulphureo salinam, partiumque solidarum circa patientem locum continuam strictionem causas esse immediatas febris hæcticæ, illasque productas a viscerum nobiliorum obstructione, induratione, apostemate, vlcere, efficere celeriores et inæqualem sanguinis circuitum, sudorem fortiorem, defluxiones periculosas, & inde necessario oriundam virium vniuersi corporis resolutionem. Mittamus cetera atque ex grauioribus symptomatibus, solas consideremus defluxiones et præternaturales euacuationes humorum corpori nutriendo necessariorum. Obseruamus enim in hæcticis continuum sudorem, non lymphæ inutilis, & sanitati molestæ, sed gelatinosæ, pinguis, & particulis con-

feruando corpori aptissimis imprægnatæ, qui, quod ex intima resolutione partium similibus originem ducat, a medicis sudor colliquatiuus nominatus est. Accedunt deiectiones aluinæ crebriores, in quibus cum sero copiosiori aliquando alimenta prorsus indigesta, aliquando leuiter tantum immutata, cum ipsa parte chyli elaborati excernuntur, plerumque autem hæc excretio, quod lenta & quasi per stillicidium fiat, distillationem imitari videtur, & hoc maiori iure ita vocari potest, quoniam cum ipsa deiectione & larga sudoris profusione corpus sensim decrescit & consumitur. Quemadmodum vero recte dicimus in re simillima quod corpus distillat (x), sic non minorem elegantiam habet, si dicimus corpus distillat. Atque liquet & res ipsa loquitur, *Suetonium* distillationes, quibus Augustus ad desperationem redactus est, hoc ipso significatu sumpsisse, placet tamen *Seneca* quendam locum adscribere, ne *Suetonii* auctoritas aliorum testimoniis destituta esse videatur: ita autem (y) ille ad Lucilium scribens: *Vexari te distillationibus ac febriculis, qua longas distillationes & in consuetudinem adductas sequuntur, co-molestius mihi est, quia ipse expertus sum hoc genus valetudinis: quod inter initia contempsi. Poterat adhuc adolescentia iniurias ferre, & se aduersus morbos contumaciter gerere, deinde succubui, & co-perductus sum, ut ipse distillarem. Ad summam maciem deductus &c. &c. Velim ad hæc posteriora verba paululum attendas, & *Lipsium* ad hæc commentantem audias, sic enim ille, ut ipse distillarem hoc est (inquit) „liquefcerem & consumerer. „Fuerit id genus morbi, quo etiam Seneca sub Caio laborauit,*

(x) vid. Taubm. ad Plaut. Mil. IV. 3. 12.

(y) Epist. LXXVIII.

„borauit, qui infensus ei ob eloquentiam occidere de-
„stinat: Sed mulierculæ opere seruatus est, quæ affir-
„maret, eum tabe laborare, nec diu posse viuere, ferrum
„superuacuum.

§. VII.

Geminum itaque huic voci significatum adscrip-
mus, vnum si ponitur pro alui fluxione, seu intempe-
stiuâ solutione, alterum qui corporis consumptionem,
ex humorum resolutione & præternaturali profusione in-
dicat. Dixerit hac posteriori significatione, quem modo
laudauimus, *Seneca*, quamuis hic nihil sit, quod etiam
prioris sensum excludat; Certum est *Suetonium* ad vtrum-
queresipientem elegantiori & concinno magis vocabu-
lo vti nullo potuisse, si veram nobis periculosissimi sta-
tus Augusti causam perscribere voluisset. Ne quid verò
dissimulemus neue iudicio nostro nimium tribuamus, in
designando hoc morbo, placet illa etiam proferre argu-
menta, quæ feбри hæcticæ superuenisse καρύζαν, vel κα-
τάβητον, nos vt credamus omnino videntur impellere;
vt adeo magis liqueat, nos in explicando *Suetonio*, et
morbo indicato necquicquam a vero aberrasse, sed illuc
omnia amice consentire inmo conspirare, vt efficiant,
non alia quam feбри hæctica Augustum tentatum fuisse.
Audiuimus causam huius morbi fuisse iecinor vitiatum,
de quo plura §. VIII. proferemus, audiuimus etiam pos-
se fieri, vt iecorariis distillatio superueniat. En (z) *Ae-*
ginetæ testimonium, qui mature nobis succurrit, χρονι-
ζαντος δὲ, inquit, (loquitur vero de καρύζα, κατὰ βῆτα,
βράγχω, & ἀσθητικῇ) τοῦ νοσήματος, καὶ τοῦ ἔνυματος εἰς
τὰ κατὰ θώρακά τε καὶ πνεύμονα φερόμενου, βῆχες αὐτοῖς γί-
νονται

νονται κακοίθεις. καὶ διὰ δυσκρασίαν δὲ πολλάκις ἡ βῆξ γίνεται.
 ποτὲ μὲν θερμὴν, ὡς ἐν πυρετοῖς, ποτὲ δὲ ψυχράν, ὡς ἐν βο-
 ρείοις καταστήμασιν. ἥτις καὶ ξηρὰ μᾶλλον ἐστὶ. καὶ ἑτέρων δὲ
 νοσημάτων ἡ βῆξ ἐστ' ὅτε σύμπτωμα γίνεται, οἷον πνευμονικῶν,
 ἡπατικῶν, φθισικῶν, περιπνευμονικῶν. *Si morbus non finitur,*
fluxioque in pectus pulmonesque ingruit, tussis oboritur, ipsis
maligna ac contumax. *Que* ὅ *propter intemperiem subinde*
accidit, aliquando calidam, ut in febribus, aliquando frigi-
dam, ut in borealibus diebus, eaque magis sicca est. *Iam vero*
aliis quoque morbis tussis nonnunquam superuenit, ut pleuriti-
cis, iecorariis, phthisicis, pulmonariis. Verissima hæc esse
 quotidiana testatur experientia; neque cum abunde me-
 dici hoc demonstrauerint, rationibus iisdem repetendis
 hoc loco opus erit. Consideremus potius qui fieri po-
 tuerit, ut Augustus catarrho & distillatione corripere-
 tur. Non enim tussis solum, quemadmodum ex Aegi-
 neta percepimus, verum & ipse catarrhus ex intemperie
 frigida enascitur, quæ ab actuali, ut loquuntur, frigore
 producta; glandulas constringens; obstructionemque in-
 ducens, humorum stagnationem & ex hac pendentem
 acrimoniam & salis fluxionem excitat. Notissima est
 natura frigoris & ventorum septentrionalium, notissimi
 sunt morbi, qui sub veris & auctumni initium singulos
 fere homines invadere solent. Quid si itaque efficiamus
 Augustum paulo ante hunc morbum eiusmodi tempesta-
 tibus fuisse expositum. Diximus Cantabria domita il-
 lum incidisse, veroque simillimum est tum Romæ fuisse
 ex itinere reducem, ergo necesse erat, illum vel per
 mare mediterraneum, vel per Alpinos Pyrenæosque
 montes iter confecisse: adde varias tempestates illi in
 itinere licet imprudenti obfuisse, statim videbis quo-
 cumque

cumque te vertas, vnam harum causarum, vel aerem solum frigidum, vel frigidum & humidum, vel calidum & humidum destillationes & κορύζας producere potuisse. De posteriori siquidem frequentiori circa Italiam & vltimam Hesperiam aliquid dicendum, procurari enim austris, & hodie inter omnes constat, et ab antiquis nunquam dubitatum est (a). Scholiastes Iuuenalis austrum ventum calidum esse scribit (b), Virgil. meminit austrini caloris, qui etiam (c) alibi illum tamquam humidum describit, et (d) pluuialem nominat, immo obseruarunt V. V. Cl. Graecis adiectiuum νότιος australis etiam humidum significare, & sic explicant illud Hippocratis νοτιάδες πυρετοὶ πρὸς χεῖρα febres ad manum (puto ad contactum explicandum esse) (e), humide, (f) Aristoteles δυσώδη esse adfirmat, quod humida et calida corpora efficiat. Hunc itaque efficere catarrhos destillationes & id genus morbos, clarum est; hinc (g) Horatius plumbeum dixit, quod tardos homines & inertes reddat, Et (h) Ouid. languidiorum. v. ibi Ampliss. Nic. Heinsum. Recte igitur de hoc monet (i) Hippocrates. νότοι βαρυήκοι, ἀχλυώδεις, καρηβαρικοὶ, κωθεοὶ, διαλυτικοὶ, ὁκόταν οὕτως δυναστεύη τοιαῦτα ἐν τῇσιν ἀβρωστήσιν πάσχουσιν. ἢν δὲ βόρειον ἢ, ἑτήχες, Φαρυγγες, κοιλίαι σκληραὶ, δυσουρίαι, Φρενώδεις, ὀδύνηαι πλευρῶν, στηθέων, ὁκόταν οὕτως δυναστεύη, τοιαῦτα ἐν τῇσιν ἀβρωστήσιν.

B. 3.

(a) ad Sat. IV. v. 59.

(b) Georg. II. 216.

(c) Georg. I. 333. 354. 418. 462. Aen. I. 55. V. 596. 850.

(d) Georg. III. 429.

(e) vid. Foet. Oeconom. Hipp. voc. νότιος.

(f) Probl. II. Sect. 25.

(g) Sermon. II. VI. 18.

(h) ex Pont. IV. x. 44.

(i) Sect. III. Aph. V.

στῆσι προσδίδες δὲ καὶ χεῖρ. *Aufri* grauem auditum, oculorum caliginem, capitis grauitatem, languorem, et diffluxionem afferunt, itaque quo tempore obtinent, sic afficiuntur in morbis homines. Si vero aquilonia tempestas fuerit, tusses, & faucium vitia, alius induratas, vrinae suppressiones, horripilationes, laterum & pectoris dolores obseruamus: quousque igitur haec obtineat, talia in morbis expectanda sunt. Adde eiusd. Sect. Aph. XII. XIII. XIII. XVII. & XVIII. in quibus ea quæ diximus certius adhuc confirmantur. Iam repetendum puto, cumque prolatis coniungendum, quod si vigor & quaffo languent in corpore vires, citius & sine maiori impedimento, mala quæcumque aduocentur, vt itaque si quis locum *Snetonii* de distillatione vulgari seu *ροῦζα* intelligere velit, habeat argumenta satis prægnantia, quibus sententiam illam tueatur. Vnicum adhuc monendum est, scilicet si eiusmodi distillationes passus est Cæsar, tussim quoque frequentiorem adfuisse concludimus, cum ex *Aegineta* verbis, tum ex *Celsi* loco supra adscripto. Cur itaque medici non pulmones potius, quam iecur vitiatos esse suspicati sunt? Verum rationes quin id facerent hæ erant, primum quod viderent integrum & incorruptum statum pulmonum, neque enim sanguinem reiecissee Augustum, sed sola tussi hypochondriaca vexatum fuisse existimamus: Deinde admodum verisimile est, continuum & pertinacem circa regionem hepatis dolorem, medicos induxissee, vt in iecore sedem, & principem morbi causam constituerent.

§. VIII.

Ergo tandem qua ratione hepatis vitia ad hæctica febris generationem conferant, dispiciamus. Supra monuimus, vel obstructiones, vel vlcera nobiliorum viscerum

cerum illam producere, quod testantur rationes non falsæ, quippe ex principiis Anatomicis, Physicis, & Pathologicis deriuatæ, quibus accedunt obseruationes & testimonia virorum in arte medica illustrium. Nobis neque hæc colligere, neque illas transcribere placet, cum gratiam huius laboris fecerint omnes, qui partim de febribus, partim de vniuersis humani corporis morbis aliquid scriptis consignarunt, inter quos eminet (cui ipse Apollo sedem in orchestra dedit) venerabilis Senex *Frid. (k)* HOFFMANNVS quo quid rectius in medicina & accuratius circa hunc morbum præcipi possit, non sentio, non video. Ad hunc itaque omnes relegamus, qui de vtroque se certiores fieri cupiunt. Nobis illud adnotasse sufficiat, quod ex *Viri illustris* obseruatione circa hunc morbum non immerito dubitemus fuerit in Augusto sedes morbi in hepate, vt medicos tum iactasse ex Suetonii testimonio conficimus, num verò alium locum hepati proximum, & cuius vicinitate medici inducti fuissent occupauerit. Laudatus etenim *(l)* HOFFMANNVS frequentem nidum lentarum atque hecticarum febrium esse mesenterium demonstrat, quoniam tardus & impeditus admodum per viscus hoc succorum & sanguinis progressus stagnationes & stases facillime induceret, immo suppurationes & abscessus, cum quibus perpetuo coniunctæ essent febriles intemperies: dolor vero nihilominus adsit grauatius & fixus in abdomine & pectoris regionibus. Hinc puto facillime factum esse, vt deciperentur medici, iecurque vitiatum accusarent, ob dolorem in illius regione, cum quam maxime vasa mesenterii, vel obstructa vel suppurata illum efficerent.

Atque

(k) Med. Rat. Syst. Tom. IV. Sect. II. Cap. XIII.

(l) c. I. §. VI. IX. &c.

Atque hæc eam ob causam adduxisse liceat, quod viri in medendo clarissimi, dudum obseruarint, hepatis vlcera difficilius curari, plurima vero existimari a medicis, quæ postea fuisse in mesenterio, in abdominalibus aut diaphragmatis musculis, experientia comprobauit. Neque tamen iccirco quisquis hæc legat suspicetur, me omnino illud voluisse, scilicet vt iocinor necquicquam vitiatum fuerit in Augusto, *Suetonium* vero seu medicos deceptos fuisse, verum sic putet, me eam solum ob causam hæc monuisse, vt si quis nimium me *Musa* arti tribuisse obiiiciat, is sciat, me nec illam plane negare, neque tamen varia symptomata ipsi non imponere potuisse præfracto animo contendere.

§. IX.

Exposuimus nunc varias de morbo Augusti coniecturas & difficultates, quæ tamen vt summam rem examinauimus, cum illa mirifice conueniebant. Hanc diximus fuisse febrim hecticam, neque quemquam tot dissonantia, vt videntur, atque *αὐσάρα* in vno morbo facilius & melius, quam in hac fecimus, conciliare posse confido. Cumque de hac superioribus sectionibus, quæ sufficiebant, prolata fuerint, iam de curatione illius, necessaria, & quæ maxime e re nostra erunt, adiciam. Duobus autem medicis curam periculosissimi morbi Augusti demandatam fuisse legimus apud (m) *Plinium*: *Diuus certe Augustus lactuca conseruatus in agritudine fertur, prudentia Musa medici, cum prioris Camelii religio nimia eam negaret.* Plura de hoc loco mox dicenda erunt, operæ etenim pretium est, integrum etiam (n) *Dionis* locum perci-

(m) Lib. XIX. Sect. XXXVIII.

(n) ex Lib. LIII. p. 592. edit. Henr. Steph.

percipere. Ο δ' Ἀυγούστος inquit ἐνδέκατον μετὰ Καλπούριου Πείσωνος ἄρχας, ἡρῶστησεν αὐτοῖς, ὥστε μηδεμίαν ἐλπίδα σωτηρίας ἵσχειν. πάντα γοῦν, ὡς καὶ τελευτήσων, διέδετο, καὶ τὰς γε ἀρχάς, τοὺς τε ἄλλους τοὺς πρώτους καὶ τῶν ἐσπευμένων καὶ τῶν ἱππέων ἀθροίσας, διάδοχον μὲν οὐδένα ἀπέδειξε, καίτοι τὸν Μάρκελλον πάντων προκριθήσεσθαι ἐς τοῦτο προσδοκῶτων. διαλεχθεῖς δὲ τινα αὐτοῖς περὶ τῶν δημοσίων πραγμάτων, τῷ μὲν Πείσωνι τὰς τε δυνάμεις καὶ τὰς προσόδους τὰς κοινὰς ἐς βιβλίον ἐσγράψας ἔδωκε, τῷ δ' Ἀγρίππᾳ τὸν δακτύλιον, ἐνεχείρισε. καὶ αὐτὸν μηδὲν, ὃ, τι μηδὲ τῶν πάνυ ἀναγκαίων ποιεῖν δυνάμενον, Ἀντωνίου τις Μούσας καὶ ψυχρολουσίαις, καὶ ψυχροποσίαις ἀνέσωσε. καὶ διὰ τοῦτο καὶ χρήματα παρὰ τοῦ Ἀυγούστου, καὶ παρὰ τῆς βουλῆς πολλὰ, καὶ τὸ χρυσοῖς δακτυλίοις (ἀπελεύθερος γὰρ ἦν) χεῖσθαι, τὴν τε ἀτέλειαν, καὶ ἑαυτῷ, καὶ τοῖς ὁμοτέχνεις, οὐχ ὅτι τοῖς τότε οὖσιν, ἀλλὰ καὶ τοῖς ἔπειτα ἐσομένοις, ἔλαβεν. *Augustus undecimum consul cum Calpurnio Pisone, adeo graui morbo decubuit, ut nulla salutis spes adesset: itaque omnibus ut fatis concessurus, dispositis, magistratibus & Senatorum equitumque primoribus ad se conuocatis, nemine sibi successore (cum omnes putarent, Marcellum ad hoc ab eo destinatum iri) constituto, cum quaedam iis de publicis negotiis exposuisset; Pisoni libellum, in quem exercituum & reddituum publicorum indicem conscripserat, Agrippæ annulum tradidit. Antonius vero Musa, Augustum cum nihil nequidem eorum, quæ maxime essent necessaria, posset exequi, lanacris frigidis, frigidisque potionibus sanitati restituit. Quam ob rem etiam pecunia ei ab Augusto & Senatu multa usque annuli aurei (libertus enim erat) datus est, immunitasque non ipsi tantum, sed omnibus eandem artem exercentibus, non tunc modo, sed in posterum quoque tempus concessa.*

§. X.

Ex his videmus *Dionem* saltim *Antonii Musæ*. meminisse, non decessoris eius *Cameli*, quem neque (o) *Suetonius* neque alius quisquam nominavit. Loqui tamen utrumque de eodem morbo, de quo *Plinius* audiimus, certum est, partim ex temporis notatione, quæ *Suetonio* & *Dioni* eadem est, ut §. II. diximus, partim quod *Plinius* lactucam, qua convaluerit *Augustus* indicet, illa vero frigida sit facultatis, *Dio* autem *ψυχροπαθῶν*, & *Suetonius* frigidorum usum laudet, quibus mortis periculo ereptus, & restitutus fuisset *Augustus*. Ut itaque convenientibus tempore & medicaminibus, nihil sit quod dubitemus *Plinium* eundem morbum intellexisse, quem *Dio* nobis & *Suetonius* exposuerunt, & proinde recte nos facere, si unius verba alterius testimonio explicauerimus. Verum ut *Plinii* auctoritatem paulo magis in illa insigni lectionum varietate firmemus, necesse erit in verba corrupta paulo accuratius inquirere. Enim vero ubi nunc in præclara *Io. Harduini* editione, cum prioris *Cameli* religio nimia eam negaret ibi olim elegantissimus ille *Hermolaus* (qui aliquot millia vlcera in *Plinio*, suo ingenio felix sanavit) ediderat, cum priores caverent, religione nunc omni caret, aptissima si *Dis* placuisset correctio, & optime latina, & cum prægressis *Plinii* verbis accurate cohærens, at barbara tamen præ illo nescio cuius (p) *Pellicerii* commento, cum prior atas eam religione *Adonis* nimia deuicaret, putares hominem & doctrinam suam & dexteritatem in emaculandis veterum scriptis ostendere, nam acute *Plinii* mentem cepit, & facili emendatione locum

(o) cuius verba integra exstant §. V. pr.

(p) cuius notatum *Mss.* meminit *Harduinus*,

locum antea depositum restituit. Alios euoluere non placet, adeo videntur mihi omnes Circæo poculo inebriati fuisse. Tandem superuenit *Harduinus*, homo si quicquid excellentius quod ipsi natura tribuerat reliquis in rem litterariam facinoribus commaculauit, tamen ob illam solam *Plinio* impensam curam cum laude memorandus, qui in aliquot Codd. ceterum, aliquam partem etiam in his verbis dissentientibus, inuenit *Camelii* nomen, & inde locum hunc, quemadmodum adscripsimus, suæ editioni inseruit. Ne autem illa ipsa MSS. testimonia, quibus inductus est *Harduinus*, quemquam fugiant, illa ex ipsius notis & (q) emendationibus huc transcribemus. Reg. I. habebat. *cum priores cameli religio minime omne caret* in *Chiffletiano* erat, *cameli religio nimia omni caret*, accedebat Cod. *MStus Apuleii de remediis salutaribus*, qui exstat in *Bibliotheca regia* & totus ex *Plinii* verbis, teste *Harduino*, concinnatus est, in quo ipse, & iam olim magnus (r) *Salmasius* sic legerunt: *Diuus certe hac lactuca conseruatus in agritudine fertur, prudentia Musa medici, cum prioris Camelii religio nimia ei abnegaret.* His persuasus *Harduinus* fuit, *Camelio* id nomen medico fuisse, qui ante *Musam* curam susceperat *Augustum* restituendi. Fluctuat tamen & ex verbo *prioris*, quod quam nescio ob causam non placebat, *Artorius* constringit, vt itaque nostro integrum nomen fuerit *Artorius Camelius*. Legerat etenim *Eusebium*, *Lactantium*, *Cæl. Aurel. Velleium*, & *Valerium* narrantes, *Artorium* *Augusti* medicum in castris *Philippensi* prælio adfuisse. At deceptus est in *chronologia* *Harduinus*, *Artoriumque*

C 2

&

(q) ad lib. XIX. *Plinii* n. XVIII.

(r) vt videri potest ex eius *Exerciti. Plin. in Solinum. p. 1270.*

& Camelium diuerfos homines, & Augusti medicos confudit. (scilicet ante illum hunc errorem in Antonio Musa & Artorio errauerant (s) Briffonius (t), Pontacus (u) Lambecius, (x) Menagius, quos excitauit vir celeberrimus Io. Albertus (y) Fabricius) quos tamen diuerfos esse, recte viderunt viri doctissimi. Laudatus Fabricius, quod ad illam de Musa & Artorio controuersiam attinet, *Tiraquellum* nominat, in illo de Nobilitate libro p. 257. mihi vero inter omnes sufficiat, summo cum honore indicasse celeberrimum & inter elegantiores medicos facile principem hodiernum virum Io. Henr. SCHVLZIVM, qui in (z) *compendio historiae medicinae* his ipsis diebus euulgato, rem omnem felicissime atque accuratissime expediuit. Si itaque interuallum decem annorum nos praeter alias rationes impellit, vt credamus Artorium plane fuisse alium quam Musam (quippe Artorius X. annis ante naufragio perierat) necesse erit etiam diuersum putare a Camelio nostro, vt qui hoc ipso tempore adhuc viuebat vna cum Antonio Musa, sicut ex Plinii loco, et Apuleii verbis ex MSto citatis, perspeximus.

§. XI.

Mittamus itaque Harduinum cum suo Artorio & solum Camelium consideremus, si qua nobis liceat esse felicioribus in indagando vero huius medici nomine: Prius autem veniam precamur a lectoribus nostris, quod, cum iam abunde intellexerint Camelium fuisse medicum

(s) Select. Antiqu. Iuris II. 3.

(t) ad Eusebii Chron. p. 513.

(u) Biblioth. Vindobon. Tom. II. p. 591.

(x) Aemennitt. Iur. Ciu. Cap. 35. &c.

(y) Biblioth. Gr. Vol. XIII. p. 86.

(z) Lib. II. Cap. XIII. §. 15LXV. & 15LXVI.

cum Augusti, videant nihilominus nos prolixiores esse in enarrandis iis, quæ quouis modo ad illum pertinent. Operæ etenim pretium putamus, plura de illo adferre, qui a nobis primum, vt haud temere suspicamur, catalogo veterum medicorum (alias iam ab insignis eruditio- nis viro, & Hamburgi yrbis olim ornamento *Io. Alb. (a)* *Fabricio*, post *CL. Andree Tiraquellii* industriam mirifice locupletato & aucto) adscribitur, quique olim tanta in existimatione erat apud illum vrbi atque orbi imperan- tem Augustum, vt, quod ne quidem Antonius Musa, sa- tis ceterum splendidis muneribus ornatus, gloriari po- terat numisma in honorem suum conflatum videret, de quo nunc & occasione illius etiam de Camelio plura proferenda erunt.

§. XII.

Ipsum numisma, quod in fronte huius tractationis excudi curauimus, nobiscum beniuolentissime communi- cauit, vir supra omnium laudes positus, celeberrimus *Io. Henricus SCHVLZIVS*, inter cuius diuitem & rarissi- mam suppellectilem, illud vnicum asseruabatur, non- dum tamen a quoquam, vt vere monebat, atque ipse ego consultis plurimis huius generis scriptis, inueniebam vnquam euulgatum. Magnitudinis mediæ est, crassum, ex ære caldario, seu non puro (quale regulare erat, vi- tiis omnibus vi ignis excoctis) sed cum aliis metallis mixto. In nostro puto argentum æri esse admixtum, quod color ex flauo albus comprobare videtur. Huius pars aduersa Augustum, vt puto, exhibet, cæsarie de-

C 3

corum,

(a) & Biblioth. Græcæ Vol. XIII. inserto sub Tit. Elenchus medico- rum veterum.

corum, laureaue corona ornatum. Pars auersa sistit hominem nudum sedentem in trunco arboris, nisi me omnia fallunt, oleæ, cuius ramus ad tergum protenditur, foliisque conspicuus est, ut quasi umbra eius protegi videatur, pilam manibus tenet, adstat pone arborem notua, & ante sedentem virga in trunco alterius arboris erecta, quam serpentes mutuo inflexi circumdant, præterea folia bina, aut alæ, nam ita ut in nummo paululum adtrito reperimus, hic expressam imaginem vides. Hæc omnia linea subducta segregat a subscriptis verbis .V CAMELIO. De ingenuitate huius nummi dubitare non licet, tum quod nihil exhibeat cum historia aut institutis veterum pugnans, tum quod ipsa *αὐτοψία* nos docuerit, non alia quam bonæ & incorruptæ antiquitatis signa adfuisse. Ergo sine ulteriori circuitu ad eius explicationem progredimur.

§. XIII.

Illud ante omnia observandum, fuisse hoc numisma ex eorum genere, quæ neque publica auctoritate percutiebantur, neque proinde tamquam moneta ad varios hominum usus ut in emptione & venditione, collocari poterant, sed eius generis fuisse, quæ non erant in commercio, nisi quatenus ipsa, aere permutabantur, cuiusmodi alia multa erant apud Romanos pariter atque Græcos numismata, verbi gratia, crotoniata, sigilla seu metalliones, (adde etiam spinthria) quibus aliquando, at non Spinthriis, solebant effigies imprimere, vel imperatorum, vel aliorum præclarorum virorum, de quibus (b) Plinii verba, de statu dicta, accipere potes, *Effigies*

(b) Nat. Hist. Lib. XXXIV. Sect. IX.

gies, inquit, hominum non solebant exprimi nisi aliqua illustri causa perpetuitatem merentium (c). Oritur hinc quaestio, quis nummum nostrum flandum curauerit, nam huius rei potestas libera republica solum apud Magistratum P. R. erat, & cum huius munia, nullo aduersante, imperatores maximam partem in se traxissent, penes illos erat: ut alterum itaque horum necesse sit, vel iussu imperatoris, vel III. Virr. Monetalium signatum fuisse. A posterioribus, nisi coniuente Augusto, hoc factum esse vix credibile est, ergo res ad ipsum Augustum redit, quem suspicamus, Camelio ob merita sua, istum honorem decreuisse. Scilicet illum aliquando, ut verisimile est, graui periculo exemerat, ut hoc praemio ob conseruatum patriae patrem dignus haberetur, fueritque hoc, illud ipsum quod paulo ante illum morbum, de quo diximus, praegressum erat, cuiusque Dio meminit (pag. 589.) & loco citato repetit *ἡ γὰρ τῆς αὔρας*, an aliud quoddam, iam non disputamus. Hoc potius monendum duximus, caput Augusti in nummo indicare, vel illum sua auctoritate, vel ob meritum in se ipsum (sc. Augustum) i. e. restitutae bonae valetudinis signatum esse. Cognouimus monetas cudendi potestatem solum apud Magistratum & Augustum fuisse: at vidimus hoc numisma nequaquam fuisse monetam, dispiciamus igitur potueritne etiam ab alio, quam a dictis personis illud in honorem Cameli effingi. Notum est apud Romanos, nisi qui curulem magistratum gessisset, imaginem suam ac suorum nullam ponere potuisse: etiam hoc constat, saepius quibusdam ob illustre aliquod factum hunc honorem obtigisse, vel publice

(c) vid. illustrem & doctissimum virum Euch. Gottl. Rinck. de veteris Numismatis potentia & qualitate Cap. III. §. III.

publice & curante Magistratu P. R. vel priuatis quibusdam. Imaginem vero differre a statua recte vidit clar. (d) *Figrellius*, & poni pro nummo ex his (e) *Ciceronis* verbis efficimus, *Demosthenis imaginem ex aere vidi*: alia adducere argumenta superfedemus. Quid itaque vetabat, quo minus etiam priuatus aliquis *Camelii* amicus hunc nummum in honorem ipsius exstare voluerit, quo etiam Augustum adulatum esse videmus, quippe illum qui communem vt vocabant patriæ patrem conseruasset summo honore dignum iudicans.

§. XIV.

Ad posticam numismatis partem venimus. Ibi nudum illum sedentem ipsum *Camelium* esse putamus, quem *Iatraliptam* fuisse, s. medicinam gymnasticam exercuisse credimus. Hos differre a medicis sensu strictiori acceptis contendit V. CL. *Antonius van (f) Dale* cum *Iatraliptæ* vngendo & fricando ægrotos curarent, medici vero interna potius cura vterentur: nihil tamen impedire concedit, quo minus vnus idemque homo, & medicus & *Iatralipta* esse s. ex *Iatralipta* medicus fieri potuerit. Erat hæc *Iatraliptice* pars medicinæ gymnasticæ maxime celebris, quæ in eo potissimum consistebat, vt balneorum, corporis exercitationum, vngendi & fricandi modorum, verum vsum & adhibendi rationem præciperet, magnamque *Dieteticæ* partem constituebat. Hinc in veterum monumentis *οἱ ὑγιεινοὶ* memorantur, qui *Athletarum* bono colori, habitui ac robori augendo & conseruando artis suæ

(d) de statuis illustrium Rom. Cap. I.

(e) de Orat. Cap. 31.

(f) Dissertationum Antiquitatibus & Marmoribus illustrandis inseruentium VIII. Cap. 8.

suæ ope prospicerent, quique aliquando etiam Aliptæ vocantur, vel quod vere vna eademque erat persona ὁ ὑγιεινὸς atque Alipta, vel quod ὑγιεινὸς horum tantum ministerio in curandis corporibus vterentur. De his (g) Ciceronem loqui existima, *Qui me homines, quod saluum esse voluerunt, est mihi gratissimum; sed vellem non solum salutis meæ quemadmodum medici sed etiam ut aliptæ virium & coloris rationem habere voluissent.* Habebant ad hoc ditiores qui Romæ erant non solum balnea in ædibus suis, verum in familia etiam mediastinos, ut vocabant, quod medias partes balnei tenebant, hoc est in medio lauantium stabant, quos fuisse putat laudatus *van Dale* Iatraliptarum vnctores, seu potius reunctores, & ad cetera peragenda ipsis inseruuisse, adeoque ministros illorum fuisse & Iatraliptis subiectos coniicimus. Hi itaque, quod artem suam hoc modo facilius, & sine maiori incommodo perficerent, nudi erant, talemque Iatraliptam Camelium nostrum fuisse apud Augustum, tam ob habitum, quem in nummo cernimus, quam ob reliqua quæ ibi conspiciuntur, de quibus mox erit dicendi facultas, neminem dubitare existimo: siquidem (h) Suetonius inquit de Augusto, *Vngebatur sapius & sudabat ad flammam. Deinde perfundebatur egelida aqua vel sole multo calefacta, & ad Tiberium* (i) ipse scribit. *Ne iudeus quidem, mi Tiberi, tam diligenter sabbatis ieiunium seruat, quam ego hodie seruavi, qui in balneo demum post horam primam noctis duas buceas manducaui, priusquam ungi inciperem.*

D

§. XV.

(g) Lib. I. ad. Fam. Epist. IX.

(h) Cap. LXXXII.

(i) Apud Sueton. Cap. LXXXVI.

§. XV.

Audiuimus Iatraliptas curam habuisse corporis exercitationum, quarum species quædam non incelebris apud Romanos, Græcos, aliosque erat populos, lusus cum pila, frequens quidem pueris & iunioribus, adeo ut aliquando senibus vitio dari legamus, ut (k) *Petronius* inconcinno illi iactatori, & profusissimo epulatore *Trimalchioni*, & (l) *Sidonius Apoll.* sæculo peruerso hoc adnumrans si senes pilis ludant: At non ideo in illis plane indecorum erat, cum ferme ad subleuandam senectutem, & corpus infirmum ac debile exercendum, lusu pilæ vterentur, pueri vero maxime ad animi delectationem, & tempus fallendum. Testatur illud clare (m) *Martialis*:

Ite procul iuuenes, mitis mihi conueniætates,
Folle decet pueros ludere, folle senes.

(Erat autem follis pila magna ex aluta confecta soloque vento repleta & inflata) mitis vero h. l. idem est ac facilis, iucunda, non morosa nec torpida. Optimus in hanc rem est (n) *Plinii* locus, & dignus qui adscribatur. Laudat in illa Epistola *Vestricii Spurinnæ* vitam, & dulcem senectutem, quam & ipsam se, nec aliam magis in senectute (si modo senescere datum sit) æmulari velle profitetur. Indicat illum non animum minus quam corpus exercere: & addit deinde, ubi hora nona balinei nunciata est, (est autem

(k) Sat. cap. XXVII. Videmus senem caluum, tunica vestitum rasset, inter pueros capillatos ludentem pila; nec tam pueri nos quamquam erat operæ pretium ad spectaculum duxerunt, quam ipse pariter familias, qui soleatus pila prasina exercebatur.

(l) Epist. I. 8.

(m) Epigr. XIII. 47.

(n) Epist. III. I.

autem hieme nona, astate octava) in sole, si caret vento, ambulat nudus: Deinde mouetur pila vehementer & diu, nam hoc quoque exercitationis genere pugnat cum senectute. Lotus accubat & paullisper cibum differt: quippe modicam corporis exercitationem, ut ea est quæ fit pila, conseruandæ valetudini omnis ætatis idoneam esse credebant. Hinc Galenus inductus, ut de parua pile exercitio integram commentationem scripserit, in quo illam corpus mouendi rationem mirifice extollit, atque venationi, equitationi, palæstricis artibus, ceterisque exercitiis longe præstantiorem esse docet, maxime iccirco, quod quædam harum sint periculosa, quædam vero minime sufficerent ad firmandum corpus, illudue gracile reddendum. Verba (o) Galeni hæc sunt: Eam vero (sc. exercitationem) aliarum omnium quam integerrimam esse, hinc potissimum cognoueris, siquidem ipsarum uniuscuiusque vim & naturam intueberis. Alias enim singulas inuenies vel vehementes, vel mites, vel corporis inferiora magis; vel superiora, vel præter ceteras partem aliquam, ut ilia, caput, manus, aut thoracem mouentes: quæ autem omnes corporis partes aequaliter moueat, possitque & in summam vehementiam tolli, & in minimam motionem deprimi, aliarum nullam inuenies, illa excepta quæ parua pila habetur exercitio; hæc inquam concitatissima vicissim, & tardissima, & ad placitum; utque corpus tolerare visum fuerit, vehementissima, & remississima fieri consuevit. &c. Digna autem tota commentatio quæ legatur. Cum ergo, ut ex Galeno audiui-
mus, modus adhibendus sit in hac exercitatione, & pro ratione corporum modo fortior conueniat modo remissior, Iatraliptis hanc omnem curam, ut temperarent commissam fuisse, sequitur. Atqui nunc credo ratio constabit, quod

D 2

in

in numismate Camelium videmus pilam in manibus tenere, instrumentum scilicet artis suæ, ex quo illum Iatraliptam fuisse cognoscimus. Vix possum h. l. prætermittere testimonium (p) Eustathii, qui, cum erudite de pilæ lusu præcepisset, eiusque quatuor species. Οὐρανίαν, ἀπόρραζιν, ἐπίσκυρον & Φαινίνδα exposuisset, addit in genere illam exercitationem cum pila olim Gymnasticæ partem habitam fuisse, quod ex imagine Herodici medici illustrat, cui cum aliis gymnasticis instrumentis etiam pila addita fuisset. Verba eius hæc sunt : Ὅτι δὲ τὸ σφαιρίζεν ἐκ ὅλης γῆς μοῖρα ἐνομιζέτο Φασιγυμναστικῆς, ἔστι συμβάλλειν καὶ ἐκ τῆς (q) Ἡροδίκου τῆς ἰατροῦ εἰκόνης, παρὰκεῖται γὰρ Φασὶν αὐτῇ σὺν ἑτέροις τισὶ γυμναστικοῖς ὀργάνοις καὶ σφαῖρα &c. neque ergo nouum est atque insolens, quod Camelium hic cum pila conspiciamus, cum iam Herodicus, vtpote artis huius auctor, atque primus magister, longissimo tempore ante nostrum sic expressus sit. Præfuit itaque Camelius noster valetudini Augusti, eiusque curam gessit, quantum exercendum sit corpus & quo tempore præcipiens, delectatum etenim Augustum etiam hoc corpus commouendi genere clare de ipso retulit (r) Suetonius : *Exercitationes campestres*, inquit, *equorum & armorum statim post ciuilia bella*

(p) Ad Homeri Odyss. ② v. 372-376.

(q) Legitur in impressis Ἡεροφίλῃς, verum monebat vir celeberrimus atque eruditissimus Io. Henr. SCHVLZIVS (cuius beniuolentia & fauori hunc locum indicatum gratus debeo) legendum esse Ἡροδίκῃς, quam correctionem esse verissimam atque maximo opere amplectendam, illi facile intelligent, qui Herodicum in gymnasticis artibus, Herophilum vero in Anatomicis cognitione suo tempore principes exstitisse in memoriam reuocabit, ut idem vir summus olim pluribus demonstrauit in historia medicinae, a rerum initio ad A. V. Romæ DXXXV. pag. 190. &c. & p. 373.

(r) Cap. LXXXIII.

bella omisit: & ad pilam primo folliculumque transiit. Nihil itaque quo. coniectura & explicatio nostra, melius confirmari & fortius communiri possit, superesse confido.

§. XVI.

Iam vero, aë, istam arborem consideremus, cui Camelius insidet, cuiusque ramus ad tergum ipsius exsurgit, & supra caput extenditur. Cumque omnia, quæ hæcenus explicauimus, ad medicinam gymnasticam commode relata sint, etiam huius arboris significationem recte ad illam pertinere haud temere suspicamur. Videtur enim olea esse, ex qua oleum ad usum τῶν γυμναζομένων exprimeretur, similiterque ad usum Alistarum, Iatraliptarum, vnctorum, reunctorum, & similibus, qui vel Gymnasis præerant, vel aliquo ministerio in illisungebantur. Consueuerant enim Romani post balneum vngi, aut simplici oleo, aut vnguentis peculiaribus ad vnctionem præparatis, vt videri potest ex loco *Suetonii* (s) supra adscripto. Erant autem apud illos, more Lacedæmonum, Xysti, balnea, vnctoria, s. elæothesia, loca vt plurimum coniuncta, vt ex vno facile possent peruenire ad alterum, vtque si lauissent, statim vnctioni commodum locum haberent. Cumque & pauperes, illico ob curam sanitatis conuenirent, necesse erat vt illorum egestati principis munificentia subueniretur, qui oleum suis sumptibus compararent, aut ex tributis aliorum populorum, Africæ, Tripolitanorum, & Lacedæmoniorum collectum, illico diuiderent, quod alias nisi pecuniosi & ditiores nemo ob ingens pretium coemere poterat. Videmus huius ambiciose largitionis plurima exempla apud veteres, vbi oleum

non solum tanquam congiarium, singulis ciuibus distributum est, verum etiam in usum balnearum publicarum exhibitum. De quibus vide celeberrimi, & nuper insigni litterarum iactura coelitibus adscripti *Petri Burmanni Dissertationem* eruditissimam de *Vetigalibus* P. R. Cap. III. p. 33. Digna est præterea vetus apud ^(t) *Gruterum* inscriptio, quam hic proferamus.

L. CAECILIUS. L. F. CILIO

III. VIR. A. P

QVI. TESTAMENTO. SVO. HS. N. XXX. MVNICIPIBVS. COMENSIBVS
LEGAVIT. QVORVM. REDITV. QVOTANNIS. PER. NEPTVNALIA. OLEVUM
IN. CAMPO. ET. IN. THERMIS. ET. BALINEIS. OMNIBVS. QVÆ. SVNT
COMI. POPVLO. PRÆBERETVR. T. F. I. etc.

Ex hac discimus, diuites etiam testamento reliquisse legata satis luculenta Balineis, ut oleum comparari possit, quo vterentur Gymnastæ s. Gymnasiorum aliptæ ad vngendos homines illico confluentes. Aliam adhuc inscriptionem græcam adtulit *Cl. van(u) Dalen*, quæ testatur Cyrum quendam Apollonii filium & Archiatrum & Aliptam fuisse ac senatui millenas dedisse vel drachmas, vel minas Atticas, ut oleum ad vñctionem illis compararetur. Atqui hæc omnia satis manifeste declarant oleum vsibus Gymnasiorum & ἀλεπτῆριον inseruuisse. Hæc vero non tantum ut diximus publica erant, sed priuata etiam, quæ quisque ditior pro commodo suo ædificabat, & instruebat, ut ex sola Plinii Epist. II. xvii. probandum esset, nisi innumeræ ruinæ Romæ adhuc veteris in ipsa noua superstites, hoc abunde

(t) In Inscriptionum antiquarum corpore pag. CCCLXXVI, n. 5.

(u) In op. cit. pag. 716.

abunde demonstrarent. In his vero Iatraliptæ &c. ordinem, modum, & tempus exercendi lauandi & vngendi præscribebant, vt adeo neminem inficias ire credamus, & Augustum peculiarem locum his Diæteticæ præsidiiis destinatum habuisse, & Camelium ibi quæ ad conseruandam vel restituendam valetudinem facerent, præcepisse, & direxisse. Atque hinc, vt ab ludendi & exercendi peritia pilam gestare audiuius, sic ab vngendi artificio, quod callebat, oleam ipsi recte attributam esse. Plura qui de his, & §. superioribus prolatis legere cūpiat is adeat celeberr. Io. Henr. SCHVLZII (x) *utramque historiam medicina* & ibi excitatos in priori Hier. Mercurialem. Petr. Fabrum, Octauium Falconerium, Antonium van Dale & Dissertationes ab ipso viro celeberrimo olim conscriptas.

§. XVII.

Noctuam, quam in numismate videmus, Mineruam indicare nemo facile negabit, quippe vulgatum est hanc auem symbolum esse huius deæ, vnde innumeris prope locis dicitur apud Homerum γλαυκῶπις Ἀθήνη. Immo omnes fere Atheniensium nummi Mineruam hoc symbolo exhibent, ne quid dicam de sigillis, statuīs, toreumatibus, ceterisque huius Deæ imaginibus, vbi vel sola noctua Mineruam indicare debet, vel ipsa Dea hac alite comite conspicitur. Rationem huius rei dabunt Mythologi, qui illam vt plurimum ex Cornuto (melius enim sic dicitur quam Phurnutus) adferunt ita autem ille Cap. XX. de Nat. Deor. οἱ δὲ θεράκοντες καὶ ἡ γλαυκὴ διὰ τὸ ἐμφεγὲς τῶν ὀμμάτων ἀνατίθενται ταύτῃ τῇ γλαυκῶπιδι οὕτῃ. *Noctua & Serpentes ei consecrati sunt propter oculorum proprietatis*

tatis similitudinem. Siquidem & ipsa non minus ac prædicta alia glaucos oculos habet. Videamus ergo quam ob causam Mineruæ symbolum in nostro nummo expressum sit. Tres autem quatuorue rationes huius facti adducemus. Primum, quod Minervā habita sit præfes atque inuentrix disciplinarum atque artium, hinc ex cerebro Iouis prognata, quod litteræ atque artes longæ diuersæ sint naturæ, quam quod vel ex hereditate ad aliquem perveniant, vel ex coitu humano producantur; (verba sunt laudati Cornuti) Gymnasticen vero esse disciplinam & artificium nemo diffitebitur, immo nec ipse Plato cui ceterum minime sese illa commendabat hoc negare ausus est. Neque enim ars solum est, sed etiam difficillima, quantum etenim & quam prolixè olim ab ipsis veteribus disputatum est, de huius disciplinæ natura, vtilitate, noxa, adhibendi modo, tempore, ceterisque circumstantiis, quamque multum adhibuerunt diligentia ut ad certas & definitas regulas illam reuocarent, quod nisi artem putassent plane inane ac superuacuum fuisset studium, cum quilibet ipse, quod vtile fore pro corporis sui conditione existimaret, id ipsum sine aliorum admonitione arripuisset. Erat itaque ars, & disciplina Gymnasticæ, atque iccirco ad Mineruam videbatur aliquo modo pertinere. Sed alteram audiamus rationem, quæ in eo consistit quod oleæ arboris, eiusdemque ad sanitatem & vitam hominum vsus inuentionem, Mineruæ veteres adscripserint. Sic clare de ea (y) *Virgil.*

Adfis - - - - oleæque Minerva

Inuentrix - - -

vbi

(y) Georg. l. 13. adde Gebhartum Elmenhorstium ad Arnob. p. 122. ed. Lugd. Bat. 1651. 4.

vbi vide *Germ. Val. Guellium*: hinc cum olim apud (z)
Phaedrum quas vellent esse in tutela sua Diui legerent ar-
bores, & alia alii placeret,

Minerua admirans quare steriles fumerent?
Interrogauit. Causam dixit Iuppiter:
Honore fructuum ne videamur vendere,
At mehercule (*inquit illa*) narrabit quod quis voluerit,
Oliua nobis propter fructus est gratior.

Supra autem olei commendationem in Gymnasiis. s. E-
læothesiis percepimus, ergo ob hanc causam, quædam
cum Gymnastis ipsi familiaritas atque coniunctio in-
tercedebat. Tertium accedit multo celebrius atque
præstantius argumentum, quod explicauerunt Viri do-
ctissimi. (a) *Rauardus* (b), *Tomasinus* & (c) *Struuius*, atque
hinc gratiam nobis fecerunt inutilis repetitionis. Consi-
stuit autem in hoc, quod Minerua, in scholis, ludis, atque
in ipsis Gymnasiis, in quibus conueniebant iuuenes exer-
cendi corpus causa, culta atque obseruata sit. Tandem
subiungimus, aptissime hic exprimi Mineruæ symbolum,
quod illa etiam medicinæ præesse, illamque iuuare cre-
debatur, cuius Gymnasticen & Iatralipticen partem ali-
quam esse percepimus. Testantur de hoc Mineruæ mu-
nere inscriptiones apud *Gruterum in op. cit* quarum al-
tera legitur pag. LXXXI. n. 9.

E

MINER-

(z) Fabul. III. 17.

(a) Coniect. I. 10.

(b) De Donar. & tabell. votiu. Cap. 23.

(c) Syntagm. Antiquit. Rom. p. 94.

MINERVÆ
MEMORI
COELIA. IVLIANA
INDVLGENTIA
MEDICINARVM
EIVS. INFIRMITATE
GRAVI. LIBERATA
D. P

altera pag. MLXVII. quæ omnes simul comprobant mox
adlatam non esse spuriam aut suppositam, quemadmo-
dum (d) *Boxbornius* volebat, siquidem in harum alte-
ra ipsa Minerua cognomine Medica reperitur.
num. 4. hæc est.

MINERVAE
MEMORI. TVLLI
A. SVPERIANA. RES
TITVTIONE. FACTA
SIBI. CAPILLORVM

Se num. 7.

ΑΘΑΝΑΙΑΙ. ΠΟΛΙΑΔΙ
ΧΑΡΙΣΤΗΡΙΟΝ
ΤΗΡ. ΤΗΣ ΤΟΥ ΠΑΤΡΩΝΟΣ
ΣΩΤΗΡΙΑΣ

num. 3. vero.

MINERVAE MEDICAE
CABARDIAE
VALERIA. SAMMONIA
VERCELLESIS. V.S.L.M.

Speramus itaque omnes nobiscum sentire, qui Mineruam
artium inuentricem, Oleæ auctorem, Gymnasiū præsi-
dem,

dem, & denique medicam, in nummo medici, atque Iatraliptæ Camelii, recte atque apte significatam esse arbitramur.

§. XVIII.

Ad postremam auersæ partis numismatis nostri effigiem progredimur, cumque ibi in virga circumuincti serpentes & ad Mercurium maxime, & ad Aesculapium ex parte possint referri, dubii hæremus in transuersa illa figura, quæ & folia & alas (nam tertium quiddam vix suspicari licet) repræsentare potest. Exponemus vtramque, cum vero minus videatur cum veritate consentire, si de Aesculapio interpretari velimus, incipiamus de Mercurio, cuius caduceum hic exhiberi, subnexam vero figuram alas esse, frequenter cum caduceo coniunctas, existimamus, sed vel longo temporum usu ita detritas vel iam olim a monetario parum accurate expressas, vt in nostro discerni vix queant. Indicat autem caduceus, vbi-cumque tandem conspicitur, ipsum Mercurium, quemadmodum vt vidimus noctua Mineruam, Iouem aquila, Iunonem pauo, Neptunum tridens, & dracones Aesculapium &c. hinc dicitur Mercurius Caducitor (rect. leg. caduceator) ab (e) *Arnobio*, caducifer (f) *Onidio*, & gestator affabilium colubrarum ab eodem (g) *Arnobio*. Hunc artium inuentorem etiam Germani veteres celebrabant, vt ex *Cæsaris Lib. VI. de Bello Gallico cap. 17.* discimus. Græci vero quadratura effingebant, quod quatuor maximas artes, litteras, Musicam, Palæstram, & Geome-

E 2

triā

(e) Lib. III. p. m. 118.

(f) Metam. II. 708. & Fast. IV. 608.

(g) Lib. IV. pag. 141.

triam inuenit. Ob Palæstræ inuentionem etiam ἐναγώνιον & ἀγώνιον Græci laudabant: vid. *Fabrum in Agonistic. Lib. I. Cap. 16.* Hinc pugillatibus & luctationibus præesse dicebant. Ex multis locis, a laudato *Fabro* in hanc rem productis, placet tantum adscribere illum ex *Cornuti Cap. 16. fin. de Nat. Deorum*, ubi σέβονται δὲ αὐτὸν inquit, καὶ ἐν ταῖς παλαίστραις μετὰ τοῦ Ἡρακλέους, ὡς τῇ ἰσχυρί μετὰ λογισμοῦ χεῖρσιν δέοντος. &c.. *Simul cum Hercule in palestris colitur, ut demonstretur, fortitudine utendum esse, cum ratione & prudentia &c. & (h) Arnobii testimonium ex Lib. III. p. m. 114. editionis laudatæ: Curat Mercurius ceromas, pugillatibus & luctationibus præest &c.* Atque ex his concludimus propter ipsum hoc inuentum, seu propter tutelam artis palæstricæ & gymnasticæ, Mercurii symbolum in nostro numismate expressum esse. Accedebat præterea, quod illum etiam sanitatis causa inuocarent, quod testatur inscriptio apud *Gruterum* pag. MLXVII.

DEO MERC.

M. NONIVS. APR

VS. CARINVS

PRO. SALVTE. SVA.

V. S. L. M.

Vt adeo geminam possimus rationem adferre, cur Mercurii magis quam alterius dei insigne, monetarius, vel quisquis huius nummi auctor erat, exprimi curauerit. Satis de Mercurio: pauca adhuc de Æsculapio monenda sunt: si quis enim hunc indicari in nostro numismate sibi persuadeat, is necesse habet, figuram illam, quam caduceum diximus, baculum Æsculapii cum serpenti-

pentibus ipsi sacris existimare; alas vero folia arboris cuiusdam salutiferæ Aesculapio sacræ: at ficulnea hæc esse, qui nummum diligenter inspexerit, & argumenta bene expenderit, quilibet percipiet, ergo profligata hac explicatione, nostram, quæ caduceum Mercurio adscribit, recte vindicamus.

§. XIX.

Hactenus omnia, atque, ut nobis videtur, satis feliciter, quæ auersa numismatis pars exhibet, explicauimus: reliquum est, ut pauca de subscripto nomine adferamus. In hoc maxime unica illa littera *rd* V, quæ præcedit nomen CAMELIO, nos perturbat. Non enim videtur explicanda. Volusus, Volero, Vopiscus &c. quæ prænomena erant apud Romanos, quorumque quædam postea cognomina facta sunt. Si enim illud concedamus, oportet. Camelium liberum natum esse, quod vix verisimile in illo, quem iatraliptæ locum apud Augustum tenuisse & forte gratia eius ad liberti statum peruenisse assumimus, admitti posse videtur. Fingamus etiam fuisse ex illis peregrinis Romæ viuentibus, quos Iulius Cæsar aliquando ciuitate donauit, de quibus accipiunt viri eruditi *Suetonii* verba in *Iulio* Cap. XLII. necesse nihilominus erit, ut sese in patrocinium cuiusdam e primoribus Romanis receperit, atque inde prænomen consecutus sit. Cum itaque hæc opinio multis difficultatibus implicata sit: fortassis haud iniquior illa erit coniectura, quæ Camelium libertum fuisse statuit, vel Valerii cuiusdam, vel Voconii, Vipsanii, Vibii, Vergilii, Vargunteii, Vettii, Veturii, Vinicii &c. atque ex una harum gentium nomen vel Valerii, vel Voconii &c. accepisse. Nouimus enim illam Romanorum consuetudi-

nem, qui libertos suos cogebant, ut nomina patronorum retinerent, quod exemplis M. Tullii Tironis, Antonii Musæ, Scribonii Largi, Livii Andronici, C. Iulii Hygini, aliorumque innumeris comprobatur. Postea temporis Cameliorum nomen ingenuum fuisse, immo aliquos, qui illud gerebant, forte ad dignitates etiam accessisse, testantur inscriptiones apud *Gruterum*, quarum altera (i), inter tribules tribus Succusæ, qui basin marmoream imp. Vesp. poni curauerunt, numerat C. CAMELIVM HERACLAM, (k) altera. C. CAMELLI AFRICANI. FABIANI. HONORATI. VEFL. AVG. P. P. P. meminit.

§. XX.

Reuertimur nunc ad Augustum, morbi que ipsius curationem; hanc (l) *Plinius* indicat factam esse contraria medicina. Verba eius, quorum perspicuitas sine repetitione ante dictorum vix intelligi potest, integra adscribam. *Dissederunt inquit hæc diu schola* (scilicet Erasistrati & Acronis Agrigentini) *& omnes eas damnauit Herophilus, in muscos pedes venarum pulsu descripto per ætatum gradus. Deserta deinde & hæc secta est: quoniam necesse erat in ea litteras scire. Mutata & quam postea Asclepiades (ut (m) retulimus) inuenerat. Auditor eius Themison fuit, qui que inter initia scripsit, illo max. recedente a vita, ad sua placita mutauit. Sed & illa Antonius Musa, eiusdem, auctoritate Diui Augusti, quem contraria medicina graui periculo exemerat. Obseruanda hic cum primis illa verba, contraria medicina, atque inquit-*

(i) p. CCXLI.

(k) p. CCCXLIV. n. 1.

(l) Hist. Nat. Lib. XXIX. Sect. I.

(m) Lib. XXVI. Sect. VII. & VIII.

inquirendum ante omnia, quo sensu illam medicinam, cuius ope Musa Augustum graui periculo exemit, dicta sit à *Plinio* contraria. Supra audiuius §. V. referente *Suetonio* vsurpata esse in hoc Augusti morbo & calida fomenta, & frigida scilicet medicamenta, vel medicamento-
rum vim habentia, audiuius etiam illud, calida fomen-
ta non profuisse, hinc Augustum frigidis curari coactum
esse: ergo necesse est Camelium illa calida præscripsisse,
quod etiam confirmatur verbis eiusdem *Plinii* §. IX adscri-
ptis. Decima autem paragrapho demonstrauius *Pli-
nium* utroque loco, & *Suetonium*, *Dionem*que *Cas-
sium* l. l. de vno eodemque morbo locutos esse. Voca-
tur ergo contraria medicina, illa frigida, quam *Antonius*
Musa exhibuit, in oppositione calidorum, quibus *Camelius*
vsus erat. Sic vocabulo *contrarii* sæpe vsi sunt optimi
auctores melioris æui, pro oppositus, ex aduersum, seu
e directo aduersus, non enim pro simpliciter aduersus, seu
inimicus, noxius, periculosus hoc loco poni debuit, quod
salutaris effectus, qui subsequutus est, suadet, præter ipsam il-
lam calidorum & frigidorum comparisonem, quæ ut
tò contrariam hoc loco per oppositam explicemus postu-
lat. Sic (n) *Ouid.* de cygno dicens.

----- ignemque perosus:

Quæ colat, elegit contraria flumina flammis.

& de (o) *Coruo* dicens,

Cui color albus erat, nunc est contrarius albo.

item (p) *Cicero.* Cum duæ res ista contrarie me conturbent,
ex quibus aut in altera mihi velim, si potes, obtemperes, aut in
altera non offendas. Alia, adeo sunt innumera loca, studio
breui-

(n) *Metam.* II. v. 380.

(o) *Metam.* II. 541.

(p) *Ep. ad. Fam.* V. 14.

breuitatis omittimus. Certe & (q) *Suetonius Plinium secutus est, inquit de Augusto: contrariam & ancipitem rationem medendi necessario subiit.*

§. XXI.

Singula vt accuratius perspiciantur, considerabimus primum quæ fuerit Camelii medicina, quam in Augusto curando adhibuit; calidæ autem naturæ vel indolis fuisse dictum est. Ex quo fere concludimus, vel tamquam Iatraliptam, balnea, frictiones, corporis commotiones, & quæ *Suetonius* indicat, fomenta calida illum frequentasse, vel vini vsum liberalius permisisse, vel denique magnas illas compositiones, quæ antidotorum nomine tunc frequentabantur, adhibuisse. In qua cum simus sententia, necesse est vt illum Asclepiadeum fuisse, & huius in medendo præcepta accurate obseruasse, affirmemus: Neque enim illud temere nos assumere, illi videbunt, qui æuo Augusteo, Asclepiadem adhuc summo in honore fuisse, eiusque dogmata multo plures tunc arripuisse considerabunt. Hic verò insigne quantum tribuit illis rationibus, quibus perspirabilitas, & manantium corpuseulorum (quæ fingeat) liber effluxus promoueri poterat, hinc, vini, gestationis, & frictionis vsum commendabat, immo omnium copiosissime de frictione, cuius auctor etiam haberi voluit, præcipiebat. Verba sunt excellentissimi viri SCHVLZII in compendio Hist. Med. §. Ixxxxvii. "existimabat enim per tenuissimos corporis meatus facillime penetrando, illos aperire, adeoque stagnationes & infarctus expedire,, vid. ibidem §. Ixxxxviii. Quid autem facilius imponebat Camelio

melio, qui obstructions & infarctus viscerum suspicari poterat, (esse etenim illos febris hecticae causas (r) supra probauimus). Atque hinc Asclepiadis vestigiis nimis tenaciter insistens, calidis medicamentis, & fomentis, discutiendos existimabat, religioni sibi ducens a disciplina ipsius vel latum vnguem recedere, quam vel ex ipsius ore insigni garrulitate inculcatam tenebat, vel aliquot ex experimentis sed falsis comprobata viderat. Huc etenim pertinent illa *Plinii* Camelium religione nimia inductum, frigidorum vsum negasse Augusto. Vinum autem, balnea, frictiones, corporis commotiones &c. referenda esse ad illa, quibus fortior sanguinis circuitus excitatur, & hinc calor augetur, nemo nisi harum rerum plane expers, aut communi sensu priuatus, negare audebit. At nec quicquam illis profecisse, tum rerum euentus comprobauit, tum ipsum si institutum fuisset medicamentorum, & morbi accuratius examen docere potuisset. Prius *Suetonius* confirmat, calida referens fomenta nihil profuisse, & *Plinius*, Camelium, inquit, Augustum non restituisse in pristinam valetudinem, quod frigida admittere noluisse. Posterius credo omnibus facile constabit, qui considerabunt, Camelium ne morbi quidem veram indolem & causas perpenderit. Supra etenim dictum est, esse in febre hectica celeriolem, & inaequalem sanguinis circulum, sudoremque fortiolem immo si distillationes admittamus. §. VIII. assertas, illas ex aere calido & humido cui expositus erat Augustus, originem duxisse, Cameliumque probe fecisse, qui sudorem calidis fomentis &c. augebat, aeremque insuper humidum & calidum balineis, immo & ipsis fomentis procurabat

F

curabat

(r) §. VI. & VIII. conf.

λουν αὐτὰ οἱ παλαιοί. ἐπεὶ θάττον ἢ προσῆκον ῥακοὶ τὰ σώματα, καὶ προηρόσκειν ἀναγκάζει καθεψῶντα, κατὰ τὰ αὐτὰ τῷ σιδήρῳ μαλασσομένης τῇ θερμότητι τῆς σαρκός· ἐντεῦθεν οἶονεῖ τῆς βαφῆς, καὶ τῆς στομάσεως τῆ ψυχροῦ δεόμεθα &c. *Nisi ergo aliquid prosit lauacrum, non oportet nos eo resolvere. Veteres ea ἀνδροπορνεύειν, hoc est, fullonias hominum officinas vocarunt, quoniam citius quam par erat, pannosa corpora efficiunt, & ante tempus. cogunt abstergendo consenescere, dum non secus. ac in ferro calore caro molificatur. Hinc frigidi veluti tinctura, & temperatura, opus habemus. Atque hæc de lauacris & fomentis. frigidis dicta sufficiant, plura dabit Baccius de thermis. Cap. 25.*

§. XXIII.

Laudari etiam a Dione audiuius inter frigida medicamenta, præter ψυχρολουσίαν, ad curationem Augusti adhibitam, ψυχροποσίαν, quam strictius accipiendam putamus, neque enim. solam frigidam bibendam præcepisse Musam, sed dilutas potiones, frigidas quidem, sed medicamentosas, & morbo Augusti tollendo inprimis conuenientes. Quænam illæ fuerint suspicari licet ex (γ) Plinio, qui lactucis conseruatum Augustum inque tantum receptam esse earum commendationem, indicat, ut seruari etiam in alienos menses eas oxymelite repertum sit. Siue ergo iam tum oxymel illud repertum erat eum lactuca compositum, siue solus succus lactucæ expressus intelligatur, quorum altero Cæsar utebatur, Dionis certe verba vindicantur, & sensu commodo. explicantur. Nemini etenim illud incognitum esse potest, lactucis omnibus naturam esse refrigeratricem, quæ iccirco, ut Plinius pergit l. l. *estate grata stomacho, fastidium auferunt, cibique*

appeten-

appetentiam faciunt, immo somnum omnes pariunt, cui gemitum est (2). Galeni testimonium ab Harduino ad h. l. productum, prodit etenim, lactucam vespere commanducatum, fuisse sibi aduersus vigilias remedio singulari. Nihil moror Florentini illius seu Florentii commenta, qui apud (a) Cassianum Bassum inquit: ὕπνον ἐπιφέρει τοῖς μὲν ὑγιαίνουσιν ἐσθιομένη. τοῖς δὲ νοσέουσιν, ὑποτιθεμένη ἀγνοῶσι. καὶ μάλιστα, εἰ τις τὴν θρίδακα τῇ ἀριστερᾷ χειρὶ αὐτόθριζον πρὸς ἀντολῆς ἡλίου λαβὼν ἐκ τῆς γῆς θείῃ λάθρα ὑπὸ τῷ στρώματι τοῦ καμόντος. Καὶ ὁ κυλὸς δὲ ταύτης ἐπιχειρόμενος τῷ μετῴπῳ τῆ ἀφρώστου ὕπνον αὐτῷ ἐπάξει. Somnum inducit sanis quidem in cibo acceptum, agris vero suppositum nescientibus, & praesertim, si quis viuiradicem lactuca sativa sinistra manu euulsam e terra ante solis exortum, clam sub stratum agri ponat. Succus etiam huius fronti agroti illitus, somnum ipsi inducet. & paullo post: καὶ αὐτὰ τὰ φύλλα τῆς θρίδακος ἢ γ. ἢ ἑν, ὕπνον ἐπάξει τῷ καμόντι, τιθέμενα κρύφα ὑπὸ τὴν κοίτην, ὥστε τὰ μὲν ἀπεσπασμένα ἀπὸ τῆ καυλῆ πρὸς τὰς πόδας ἐρεῶν τὰ δὲ ἄνω βλέποντα πρὸς τὴν κεφαλὴν. Ipsa etiam folia lactuca quinque numero, aut tria aut vnum, somnum inducent agroto; clanculum sub puluinari posita, ita ut partes a caule auulsa ad pedes agroti spectent, superna vero ad agri caput. Haec enim, si ad viuum rescare velimus, nugae esse manifesto deprehendemus. Meliora sunt quae de lactuca praecipit idem, statim ab initio huius capitis: θρίδαξ, inquit, ὑγρὸν καὶ ψυχρὸν ἐστὶ λάχανον, διὰ τῆς τοῦ πρὸς τὰς πυράδας φλεγμονῆς ἀρμόζει. ἔστι δὲ ἄδιψον ἔδεσμα, καὶ ὑπνωτικόν, καὶ γάλακτος προτραπτικόν. Lactuca humidum & frigidum est olus, & ideo ardentibus inflammationibus congrua est.

F 3

(2) Lib. II. de alim. facult. Cap. 40. p. 359. Tom. V.

(a) In Geoponicorum a viro CL. Petro Needham editorum Lib. XII. Cap. XIII.

est. Est autem edulium sitim extinguens, & somnificum, & lac allicit. Tria itaque sunt quæ lactucam commendant, primum quod refrigeret, deinde quod humectet, & gelatinosas particulas bene multas corpori præbeat, postremum quod ἀγρυπνίαν arceat. Hæc tria & olim adscripsisse eius naturæ veteres, ex ipsis illorum testimoniis percepimus: de adsensu hodiernorum medicorum nemo dubitat, qui semen etiam inter decantata illa quatuor minora frigida aduocarunt, & de huius virtutibus, immo & succi, foliorum, & radicis late præceperunt, quos, si placet, consuli posse existimo. Singula nunc expendimus quæ ad historiam morbi & remediorum, immo ad utrorumque iudicium pertinere putauimus, quæque ad propositum nostrum facere nobis visa sunt. Potuissimus etiam ἐπιλεγίαν horum adiungere, nisi longioris moræ habenda esset ratio, & præterea necessitatumstrarum. Quam ob rem illa, quæ forte hinc inde parata erant ad locupletandam commentationem, studiose prætermittimus, inque aliud tempus, vel reiicimus, vel hisce Te Lectorem contentum fore speramus.

VERBUM NON AMPLIUS ADDAM.

